

Na osnovu člana 33. stav 2. Zakona o turističkoj djelatnosti ("Službene novine Federacije BiH", broj 32/09), federalni ministar okoliša i turizma donosi

## **PRAVILNIK**

### **O ISKAZNICI TURISTIČKOG VODIČA**

#### **Član 1.**

Ovim Pravilnikom propisuje se se obrazac i izgled iskaznice turističkog vodiča, te način njezinog izdavanja i upotrebe.

#### **Član 2.**

Iskaznicu turističkog vodiča izdaje kantonalni organ nadležan za poslove turizma na čijem području turistički vodič pruža uslugu (u daljnjem tekstu: nadležni kantonalni organ) na zahtjev turističkog vodiča.

Uz zahtjev turističkog vodiča za izdavanje iskaznice turističkog vodiča potrebno je priložiti odobrenje za pružanje usluga turističkog vodiča izdano od strane općinskog odnosno gradskog tijela uprave nadležnog za poslove turizma u skladu sa članom 28. Zakona o turističkoj djelatnosti.

Odabir proizvođača iskaznice turističkog vodiča je u nadležnosti nadležnog kantonalnog organa.

Troškove izrade iskaznice snosi turistički vodič.

Evidenciju o izdanim iskaznicama turističkih vodiča vodi nadležni kantonalni organ.

#### **Član 3.**

Iskaznica turističkog vodiča je pravougaonog oblika veličine 8,5 x 5,5 cm na kartonskoj podlozi bijele boje, a presvučena je plastičnim materijalom.

Obrazac iskaznice turističkog vodiča s odgovarajućim sadržajem odštampan je uz ovaj Pravilnik i čini njegov sastavni dio.

#### **Član 4.**

Turistički vodič, prilikom pružanja usluga turističkog vodiča mora nositi na vidljivom mjestu iskaznicu turističkog vodiča pričvršćenu kopčom na odjeći ili vrpci oko vrata.

#### **Član 5.**

U slučaju gubitka ili oštećenja iskaznice koje sprječava njenu upotrebu turističkom vodiču se na njegov zahtjev izdaje nova iskaznica.

Prije izdavanja nove iskaznice u slučaju gubitka izgubljena iskaznica mora biti poništena objavljivanjem u "Službenim novinama Federacije BiH".

Prije izdavanja nove iskaznice u slučaju oštećenja iskaznice, oštećena iskaznica se vraća nadležnom kantonalnom organu, poništava i čuva u spisu predmeta.

Turistički vodiči kojima je prije stupanja na snagu ovoga Pravilnika izdana iskaznica turističkog vodiča dužni su izvršiti zamjenu iskaznice, podnošenjem zahtjeva nadležnom kantoanlnom organu u roku od godine dana od dana stupanja na snagu ovoga Pravilnika.

#### Član 6.

Danom stupanja na snagu ovoga Pravilnika prestaje važiti Pravilnik o iskaznici turističkog vodiča ("Službene novine Federacije BiH", broj 23/96).

#### Član 7.

Ovaj Pravilnik stupa na snagu osmoga dana od dana objavljivanja u "Službenim novinama Federacije BiH".

Broj 06-22-2865/09  
10. maja 2010. godine  
Sarajevo

Ministar  
Dr. sc. **Nevenko Herceg**, s. r.

OBRAZAC ISKAZNICE

Obrazac  
Format 8,5 x 5,5 cm

|   |  |                        |
|---|--|------------------------|
| (Grb Federacije Bosne i Hercegovine)                  |  |                        |
| BOSNA I HERCEGOVINA<br>FEDERACIJA BOSNE I HERCEGOVINE | BOSNIA I HERZEGOVINA<br>FEDERATION OF BOSNIA AND HERZEGOVINA |                        |
|   | _____  | fotografija<br>28x32mm |
|   |  | _____                  |
| TURISTIČKI VODIČ<br>GUIDE                             |  |                        |
|   | Ime _____  |                        |
|   | Prezime _____  |                        |
|   | Broj iskaznice _____   |                        |
| PODRUČJE _____<br>(kanton/županija)                   |  |                        |
| STRANI JEZIK / JEZICI _____<br>_____<br>_____         |  |                        |
| IZDAO _____   |  |                        |
| _____   | M. P.  | _____                  |
| (datum)   |  | (broj upisa)           |